



Publicaziuns dalla vischnaunca, jamna 32

Damonda da baghegiar

2021-1060.000

Datum dalla publicaziun: 13 d'uoost 2021

La patruna: Vischnaunca Disentis/Mustér, Via Cons 2, 7180 Disentis/Mustér

Object: Niev liug da rimnar rumien – niev moloc, parcella 327, Madernal, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 11 d'uoost 2021

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 20 d'uoost 2021**, allas 19.00 en halla Cons.

Tractandas:

1. Protocols 4- e 5-2021/2024

2. Lescha da baghegiar – Revisiun parziala – Indrezs d'energia (art. 74) (messadi nr. 10-2021/2024)

3. Presentaziun project «Augmentar l'attractivada dil center dil vitg» e nominaziun da treis cusseglier/-as per la cumissiun speciala (messadi nr. 11-2021/2024)

4. Interpellaziun «dimorants dall'jamna»: Risposta (interpellaziun I1-2021/2024)

5. Ura da damondas (conform ad art. 44 dil regulativ da fatschentas) Il president dil cussegl da vischnaunca

Uffeci da baghegiar Disentis/Mustér

Niev temps d'avertura – center da rimnada a Raveras

Naven dils **16 d'uoost 2021** vegnan las uras d'avertura dil center da rimnada a Raveras adattadas sco suonda:

Negina survegionza pil rumien da casa, exclaus rufids blocconts:

Gliendisdis–venderdis 12.00–17.00

Cun survegionza e dismessa da rufids blocconts:

Mesjamna 15.00–17.30

Sonda 10.00–12.00

Flyer cun informaziuns:

Proximamein retscheivan las casadas in flyer cun informaziuns en connex cul center da rimnada a Raveras, las informaziuns ein era indicadas sin la pagina d'internet www.disentis.ch.



Niev temps d'avertura – center da rimnada a Raveras

Naven dils **16 d'uost 2021** vegnan las uras d'avertura dil center da rimnada a Raveras adattadas sco suonda:

Negina survegionza pil rumien da casa, exclus rufids blocconts:

Gliendisdis–venderdis 12.00–17.00

Cun survegionza e dismessa da rufids blocconts:

Mesjamna 15.00–17.30

Sonda 10.00–12.00

Flyer cun informaziuns:

Proximamein retscheivan las casadas in flyer cun informaziuns en connex cul center da rimnada a Raveras, las informaziuns ein era indicadas sin la pagina d'internet www.disentis.ch.

Adattaziun dalla purschida dil center da rimnada a Raveras

Naven dils 16 d'uost 2021 vegn la purschida dil center da rimnada a Raveras adattada sco suonda:

Pupi:

Vegn rimnaus al center da rimnada tenor las uras d'avertura suranumnadas. Las duas rimnadas entras la scola da Mustér restan (publicaziun mintgamai el «Fegl official»).

Rumien special, colurs:

Rumien special sco colurs, diluent, lac, soluziun alcalica etc. ein da furnir ad interpresas specialisadas per quei intent resp. al vendider.

Art. 33 dalla lescha davart l'economisaziun dils rufids. Medicaments, tassis, colur sco ulteriuras materias nuscheivlas astgan buca vegnir deponi ni deviai en la canalisaziun. Tals curdem ein da returnar als posts da vendita e da dismetter tenor las prescripziuns da Confederaziun e Cantun.

Rufids da baghetg:

Rufids da baghetg (sco lenna, plattas da gep, izolaziuns etc.) derivonts da spazzadas da baghetgs, renovaziuns, sanaziuns, plazzals da baghegiar etc. ein da furnir ad interpresas specialisadas per quei intent.

Art. 7 dalla lescha davart l'economisaziun dils rufids Rufids sin plazzals da baghegiar ein:

a) Material buca tschuffergnaus sco tratsch, crappa e grep, il qual sa vegnir utilisaus senza restricziuns respectiv vegnir deponius sin ina deponia per material da scavament lubida.

b) Restonzas da baghetg, las qualas san vegnir reutilisadas respectivamein deponidas sin ina deponia per materials (Innertstoffdeponie).

c) Rufids blocconts da baghetgs sco auters rufids, ils quals corrispundan buc allas sura categorias che ston vegnir sorti per ch'ei sappien vegni reutilisai, tractai ni deponi/barschai en in implont correspondent.

Art. 24 dalla lescha davart l'economisaziun dils rufids. Material che deriva da sanaziuns da baghetgs e restonzas da baghegiar ston vegnir rimnai separadamein e reutilisai. Restonzas che san buca vegnir reutilisadas ston vegnir deponidas en ina deponia da reatur, respectivamein barschadas en implont da barschar rumien. Igl ei scumandau da barschar restonzas da baghetgs.

Rufids da baghetg ein da rimnar sils plazzals da baghegiar en recipients adattai ni da furnir ad interpresas specialisadas per quei intent, ed astgan buca vegnir purtai al center da rimnada a Raveras.

Bien engraziament.

Uffeci da baghegiar ed infrastruttura



Quitau per la fauna e flora indigena

Curdeims organics san vegnir purtai al center da rimnada a Raveras

Preziadas convischinas e prezias convischins

Adina puspei constatein nus ch'ei vegn dismiss curdeims organics (pastget/puma, fein bletsch, tschespet, cumpost, lenna, restonzas da matgs) e rufids da baghetg sin deponias illegalas (selvadias) agl ur da flums ed uals. Che rufids organics san esser in grond prighel per la fauna e flora locala essan nus magari buca pertscharts. Flurs e jarvas ord curtins ed Orts, en special ord il tenercasa, cuntegnan restonzas che derivan da tiaras exoticas. Quellas restonzas ein vegnidas enconuschentas sco neofitas invasive. Neofitas invasive surcreschan plantas ed jarvas indigenas e caschunan cheutras gronds donns vid fauna e flora indigena. Perquei s'audan curdeims organics buca sin deponias selvadias, mobein al post da rimnada a Raveras. Exempels da talas jarvas ein la darvena gronda (Riesenbärenklau), l'ambrosia ed il badalestg (japanischer Knöterich). La darvena gronda sa caschunar plagas dolorusas (barschadas) ed il badalestg surcrescha entiras rivas da flums. A caschun da malauras vegn il tschespet allas rivas lavaus vinavon e las ragischs dil badalestg sederasan per liung d'uals e flums per l'entira val. Cheu setracta ei mo d'entginas jarvas che han consequenzas remarcablas per nossa cuntrada. Buca tut quei che crescha e flurescha en casa e curtin ei cumportabel cun nossa natira e cuntrada. Deponias illegalas cunterfan buca mo alla legislaziun davart l'economisaziun dil rumien, mobein caschunan era gronds donns vid fauna e flora indigena. Nus appellein alla responsablada da vischinas e vischins e supplichein d'observar las ordinaziuns en favur digl ambient. La vischnaunca dispona d'in bien concept per la rimnada da rumien/rufids da tut gener cun il center da rimnada a Raveras. Nus supplichein da far diever da quella pussevliada.

Fegl sgulont cun informaziuns:

Proximamein retscheivan las casadas in fegl sgulont cun informaziuns en connex cul center da rimnada a Raveras. Las informaziuns ein era indicadas sin la pagina d'internet www.disentis.ch.

Suprastonza communal

75 onns SRG.R – Sera da cumpignia

Annunzias per la sera da cumpignia da **venderdis, ils 27 d'uost 2021** cun ils Acabellos, sault dils Movis e cun «RTR – la show» san vinavon vegnir fatgas sin srgr.ch. L'entrada ei gratuita.

Administraziun communal

Controlla da habitonts

Mortori

Giusep Lozza-Laim, naschius ils 30 d'uost 1944, morts ils 9 d'uost 2021

Entschatta digl onn da scola 2021/22

Gliendisdis, ils 16 d'uost 2021

Cordial beinvegni per l'entschatta dil niev onn da scola! L'entschatta digl onn da scola ei **gliendisdis, ils 16 d'uost 2021 allas 7.45**. Il survetsch divin ha pli probabel liug suentermiezdi allas 14.00 en baselgia s. Gions. Informaziuns detagliadas en caussa suondan igl emprend di da scola. Silsunter seradunan il cerchel scolastic ed il cussegl da scola ad ina seduta (**ils affons han liber**).

Program pigl onn da scola 2021/22

entschatta digl onn da scola 2021/22: **gliendisdis, ils 16-8-2021**

scola: gliendisdis, 16-8-21 – venderdis, 8-10-21 / 8 j.

vacanzas d'atun:

gliendisdis, 11-10-21–dumengia, 24-10-21 / 2 j.

scola: gliendisdis, 25-10-21–mesjamna, 22-12-21 / 8 1/2 j.

vacanzas da Nadal:

gievgia, 23-12-21–mesjamna, 5-1-22 / 2 j.

scola: gievigia, 6-1-22–venderdis, 25-2-22 / 7 1/2 j.



vacanzas da sport:

gliendisdis, 28-2-22–dumengia, 6-3-22 / 1 j.
scola: gliendisdis, 7-3-22–venderdis, 29-4-22 / 8 j

vacanzas da primavera:

gliendisdis, 2-5-22–dumengia, 8-5-22 / 1 j.
scola: gliendisdis, 9-5-22–venderdis, 24-6-22 / 7 j.

finiziun digl onn da scola 2021/22, **venderdis, ils 24-6-2022**

entschatta digl onn da scola 2022/23: **mardis, ils 16-8-2022** (siat jamnas vacanzas stad)

firaus e dis libers:

Numnasontga (gliendisdis): 1-11-2021
s. Martin (fiera): 8-11-2021 (suentermiezdi liber)
til da tscheiver 2022: 26-2-2022 (**ellas vacanzas da sport!**)
gliendisdis-tscheiver: 28-2-2022 (**ellas vacanzas da sport!**)
mesjamna dalla tschendra: 2-3-2022 (**ellas vacanzas da sport!**)
s. Giusep (sonda): 19-3-2022
Pastgas: 15-4-2022–18-4-2022 / ma, 19–4 conferenza
Anceinza: 26-5-2022
di da punt (liber per tuts/tuttas): 27-5-2022
Gliendisdis Tschuncheismas: 6-6-2022
Sontgilcrest: 16-6-2022 (17-6-2022 negina punt!)

Repartiziun dallas classas onn da scola 2021/22

scoletta Pia Condrau, Petra Pally
sustegn lungatg scoletta Andrea Schmed

1. classa primara Ladina Bearth
 2. classa primara Riccarda Caduff
 3. classa A primara Roger Tuor
 3. classa B primara Dina Pally
 4. classa primara Michel Andriuet
 5. classa primara Gion Tenner
 6. classa primara Bruno Flepp
- scolasta dil fatg primara Sabrina Capaul-Sgier

pedagogas curativas Stefania Ritter, Olinda Hosang

1. reala Aluis Hosang
 2. reala Fabian Tschuor
 3. reala Aluis Hosang
- scolast dil fatg superiura Kai Hinrichsen

1. secundara Adrian Pally
2. secundara Christoph Berger
3. secundara Gabriel Venzin-Marty

zambergiar textil Catarina Steger, Irena Flepp
cuschinar/tenercasa Irena Flepp
scolasta talian facultativ Stefania Ritter

religiun Corina Defuns, Olinda Hosang, Aluis Hosang, Sur Mathew



Urari da transports da scola 2021/22

Mumpé Medel

Mumpé Medel: 7.20

Mustér: 7.29

(mesjamna mo in viadi allas 11.25)

Mustér: 11.25

Mumpé Medel: 11.34

viadi suentermiezdi, sulettamein gliendisdis, mardis e gievgia suentermiezdi

Mumpé Medel: 13.20

Mustér: 13.29

Mustér: 16.25

Mumpé Medel: 16.34

Mumpé Tujetsch, Segnas

MGB (Bahnersatz)

Mumpé Tujetsch: 7.10

Segnas: 7.16

Mustér: 7.25

transport cun bus

Mustér: 11.25

Segnas: 11.32

Mumpé Tujetsch: 11.35

transport cun tren

Mustér: 12.14

Segnas: 12.20

Mumpé Tujetsch: 12.23

transport cun bus

Mumpé Tujetsch: 13.18

Segnas: 13.25

Mustér: 13.32

transport cun bus

Mustér: 16.25

Segnas: 16.31

Mumpé Tujetsch: 16.34

Disla, Pardomat

Pardomat: 7.15

+Disla: 7.24

Mustér: 7.29

Disla: 11.35

Pardomat: 11.40

(mesjamna)

Disla: 12.25

Pardomat: 12.30

Pardomat: 13.15

Disla: 13.24

Mustér: 13.29

Disla: 16.35

Pardomat: 16.40

Dapli informaziuns anfleis sut www.scoladisentis.ch. Ina buna entschatta e sin bien seveser!

Nossa scola populara Mustér

Uniun da giuventetgna Pardomat/Madernal/Disla/Cavardiras

Sera Familiara 2021

Sonda, ils 14 d'uost 2021, ha noss'usitada sera familiara liug. Tut ils habitonts e convischins ein cordialmein envidai ell'Ustria Fravia a Disla. La fiasta entscheiva allas 19.00. Nus selegrein da Vossa viseta e sin ina biala sera da cuminonza. Cordialmein envida

l'uniun da giuventetgna PaMaDisCa



Scola da musica Surselva

La Scola da musica Surselva porscha il suandont cuors:

Liug: Disentis/Mustér

Ritmica per affons pigns (annada 2016 e 2017)

Nus cantein e sunein en gruppa

adina mardis 14.30–15.20 (otg lecziuns)

7.9. / 14.9. / 21.9. / 28.9. / 5.10. / vacanzas / 26.10. / 2.11. / 9.11.2021

Bugen spitgein l'annunzia entochen **ils 27 d'uost 2021**.

Formulars ed ulteriuras informaziuns

www.bzs-surselva.ch

081 926 25 10 / admin@bzs-surselva.ch

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e terma gliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas.

Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local, nua ch'ils affons stattan persuls duas uras cun las menadras, e quei inaga la jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada	gievgia, ils 26 d'uost 2021
Temps	15.00–16.30
Liug	Casa da scola Segnas, local Artgin, ella 1. alzada
Prender cun	marenda e scalfins

Ulteriuras informaziuns e datums anfleis Vus sut: <https://www.uddm.ch/>

Cordialmein envida Uniun da dunnas, ressort affons

Concerts da stad Acletta Mustér

Ensemble Ars Amata

3. concert

Dumengia, ils 15 d'uost, 17.00

Fabio di Casola, clarinetta, Elisabeth Weber-Erb, violina,

Rudolf Weber, viola, Romana Kaiser, violoncel,

Per Lundberg, clavazin

Mozart, Juon, Menotti, Turina

Entrada libra, plaz reservau frs. 30.–

Mira inserat

Societad da tir Desertina

Tir obligatori 300 m a Sedrun, la Resgia

Dumengia, ils 22 d'uost 2021, allas 18.00–19.00.

Davosa pusseivladad!

Cordialmein envida Societad da tir Desertina